



Arkivnr: 2018/11116-1
Saksbehandlar: Hillevi Elizabeth Runshaug

Saksframlegg

Saksgang

Utval	Saknr.	Møtedato
Utval for opplæring og helse		05.06.2018
Fylkesutvalet		21.06.2018

Om søknad om nytt utdanningstilbod og lærefag - Knarvik vgs

Samandrag

I Nordhordland er det i gang eit samarbeidsprosjekt mellom skule og næringsliv, jf sak 81/2017, fylkestinget 03.10.17 og verbalforslag FT des. 2016 – budsjett 2017:

«Det vert våren 2017 starta opp eit samarbeidsprosjekt mellom skulane i Nordhordland og det lokale næringslivet, der målet er å prøva ut nye undervisningsformer der meir av den praktiske undervisninga vert gjort ute i verksemdene.»

Arbeidet i prosjektet vert dels knytt til utvikling av regionen og oppfølging av Regional plan for kompetanse og arbeidskraft og også Regional plan for attraktive senter.

Gjennom dette samarbeidet har det kome fram behov for kompetanse innan havbruk og teknologiutvikling. Knarvik vgs vil søkje Utdanningsdirektoratet om forsøk for å setje i gang med tilbod med Havbruksteknologi innan TAF/YSK skuleåret 2019/20.

Fylkesrådmannen tilrår at Knarvik vgs held fram med planlegging og søker Utdanningsdirektoratet om godkjenning. Formelt vedtak kjem ein eventuelt attende til i den såkalla klassesaka hausten 2018.

Økonomi: Kostnadene er avhengig av korleis undervisninga vert organisert.

Klima: På sikt kan ny teknologi bidra til meir miljøvennleg havbruksnæring.

Folkehelse: Tiltaket vil potensielt bidra til auka fullføring av vidaregåande opplæring, noko som er viktig i eit folkehelseperspektiv.

Regional planstrategi: Tiltaket vil bidra til å levere kompetanse som næringslivet etterspør.

Forslag til innstilling

Fylkesutvalet sluttar seg til at Knarvik vgs arbeider vidare med søknad om forsøk med nytt utdanningstilbod og lærefag innan Havbruksteknologi med oppstart hausten 2019.

Rune Haugsdal
fylkesrådmann

Svein Leidulf Heggheim
fylkesdirektør opplæring

Saksframlegget er godkjent elektronisk og har derfor inga underskrift.

Fylkesrådmannen, 15.05.2018

I Nordhordland er det i gang eit samarbeidsprosjekt mellom skule og næringsliv, jf sak 81/2017, Fylkestinget 03.10.17 og verbalforslag FT des. 2016 – budsjett 2017:

«Det vert våren 2017 starta opp eit samarbeidsprosjekt mellom skulane i Nordhordland og det lokale næringslivet, der målet er å prøva ut nye undervisningsformer der meir av den praktiske undervisninga vert gjort ute i verksemdene.»

Arbeidet i prosjektet vert dels knytt til utvikling av regionen og oppfølging av Regional plan for kompetanse og arbeidskraft og også Regional plan for attraktive senter.

Gjennom dette samarbeidet har det kome fram behov for kompetanse innan havbruk og teknologiutvikling. Knarvik vgs vil søkje Utdanningsdirektoratet om forsøk for å setje i gang med tilbud med Havbruksteknologi innan TAF/YSK skuleåret 2019/20.

Heimel for forsøk finn vi i opplæringslova § 1-4.Forsøksverksemd:

Departementet kan etter søknad frå kommunen eller fylkeskommunen gi løyve til at det blir gjort avvik frå lova og forskriftene etter lova i samband med tidsavgrensa pedagogiske eller organisatoriske forsøk.

Forsøket vil innebera eit avvik frå §1-3 i Forskrift til opplæringslova:

«Den vidaregåande opplæringa skal vere i samsvar med Læreplanverket for Kunnskapsløftet og den fastsette tilbodsstrukturen. Læreplanverket for Kunnskapsløftet omfattar den generelle delen av læreplanen, prinsipp for opplæringa, læreplanane for faga og fag- og timefordelinga.»

Nærmare retningslinjer går fram av rundskriv Udir-32013.

Knarvik vgs ønskjer å tilby felles programfag i Vg 1 Havbruksteknologi og felles programfag i Vg 2 Havbruksteknologi, dessutan eit nytt lærefag på Vg 3 for opplæring i bedrift.

Hovudstrukturen som ein finn i dagens yrkesfag med Vg 1 og Vg 2 i skule og med eit lærefag for opplæring i bedrift (over to år), skal difor ikkje endrast.

Fylkesrådmannen tilrår at Knarvik vgs held fram med planlegging og søker Utdanningsdirektoratet om godkjenning. Formelt vedtak kjem ein eventuelt attende til i den såkalla klassesaka hausten 2018.